

山海經第八

晉郭璞傳

明吳瑄校

海外北經

海外自東北陬至西北陬者

無脊之國

音啓或作絜

在長股東為人無脊

脊肥腸也其人穴居食土

無男女死即埋之其心不朽死百廿歲乃復更生

鍾山之神名曰燭陰

燭龍也是燭九陰因名云

視爲晝暝爲夜吹

爲冬呼爲夏不飲不食不息息爲風

息氣也

身長千里

在無脊之東其爲物人面蛇身赤色居鍾山下

淮南子曰

龍身

卷之八

一足

一目國在其東一目中其面而居一曰有手足

柔利國在一目東爲人一手一足反膝曲足居上

脚

一手反卷曲也

一云留利之國人足反折

共工之臣曰相柳氏

共工霸九州者

九首以食于九山

頭各自食

一山之物言貪暴難饜

相柳之所抵厥爲澤谿

抵觸厥掘也音撇

禹殺

相柳其血腥不可以樹五穀種禹厥之三仞三沮

掘塞

之而土三沮滔言其血膏浸潤壞地

乃以爲衆帝之臺

言地潤濕唯可積土以爲臺觀

在崑崙之北

此崑崙山在海外者

柔利之東相柳者九首人面

蛇身而青不敢北射畏共工之臺臺在其東臺四方



隅有一蛇虎色首衝南方衝猶向也

深目國在其東為人舉一手一目一作在共工臺東

無腸之國在深目東一作其為人長而無腸為人長大腹內

無腸所食之物直通過

聶耳之國在無腸國東使兩文虎為人兩手聶其耳

言耳長行則以手攝持之也音諾頰反縣居海水中縣猶邑也及水所出入

奇物言盡規有之兩虎在其東

夸父與日逐走入日言及日于將入也逐音胃渴欲得飲飲于河

渭河渭不足北飲大澤未至道渴而歿弃其杖化為

鄧林夸父者蓋神人之名也其能及日景而傾河渭豈以走飲哉寄用于走飲耳幾乎不疾而速不

山海經 卷之八

行而至者矣此以一體為萬殊存亡代謝寄鄧林而遞形惡得尋其靈化哉

博父國在聶耳東其為人大右手操青蛇左手操黃

蛇鄧林在其東二樹木一曰博父禹所積石之山在

其東河水所入河出崑崙而潛行地下至葱嶺復出注鹽澤從鹽澤復行南出于此山而

為中國河遂注海也書曰導河積石言時有壅塞故導利以通之

拘纓之國在其東一手把纓言其人常以一手持冠纓也或曰纓宜作纓

一曰利纓之國尋木長千里在拘纓南生河上西北

跂踵國跂音企在拘纓東其為人大兩足亦大其人行脚跟不

着地也孝經鈞命訣曰一日大踵焦僥跂踵重譯欵塞也一日大踵

歐絲之野在大踵東一女子跪據樹歐絲言噉桑而吐絲蓋蚕



也類三桑無枝在歐綵東其木長百仞無枝言皆長百仞也

范林方三百里在三桑東洲環其下洲水中可居者環繞也

務隅之山帝顓頊葬于陽顓頊號為高陽冢今在濮陽故帝丘也一日頊丘縣

城門外廣陽里中九嬪葬于陰嬪婦一日爰有熊羆文虎離朱

鷓久視肉

平丘在三桑東爰有遺玉遺玉玉石青鳥視肉楊柳甘柶

其樹枝幹皆赤黃華白葉黑實呂氏春秋曰其山之東有甘柶焉音如柶梨之柶甘華亦赤

華百果所生在兩山夾上谷二大丘居中名曰平丘

北海內有獸其狀如馬名曰駒駮陶塗兩音見爾雅有獸焉

其名曰駮狀如白馬鋸牙食虎豹周書曰義渠茲白茲白若白馬鋸牙

山海經 卷之八 三

食虎豹按此二說與爾雅同有素獸焉狀如馬名曰蛩蛩即蛩蛩鉅虛也

一走百里見穆天子傳音印有青獸焉狀如虎名曰羅羅

北方禺彊人面鳥身珥兩青蛇踐兩青蛇字玄冥水神也莊周

曰禺彊立于北極一曰禺京一本云北方禺彊黑身手足乘兩龍

山海經第八終